

漢魏六朝百三家集

東漢 十一人

第十八冊

王叔師集

壽考堂藏板

王叔師集題詞

屈原在楚平王時以忠被疎作離騷
經頃襄王立放之江南復作九歌天
問九章遠遊卜居漁父大招自沉汨
羅其後楚宋玉作九辯招魂漢賈誼
作惜誓淮南小山作招隱士東方朔

作七諫嚴忌作哀時命王褒作九懷
劉向作九歎皆擬其文漢武時淮南
王安始作離騷傳向典校經書分爲
十六卷東京班固賈逵各作離騷章
句餘十五卷闕而不說至王逸復作
十六篇章句又續爲九思取班固二

序附之爲十七篇今世所行離騷皆
王本也東漢文苑王叔師父子皆有
名文考靈光殿賦與夢賦二篇世共
傳誦叔師文少有習者讀離騷乃見
之矣文字存亡常有時命或存已集
或附他書俱可不敝天壤叔師騷註

卽不能割本書獨行然自以爲與原
同產南陽土風哀思有足親者章句
諸篇與遺文並錄不類巨山詩序康
成詩譜哉

婁東張溥題

孔少府集題辭

魯國男子孔文舉年大於曹操二歲
家世聲華曹氏不敵其詩文益非操
所敢望也操殺文舉在建安十三年
時僭形已彰文舉旣不能誅之又
不能遠之並立衰朝戲謔笑傲激其忌

怒無啗肉餒餒虎此南陽管樂所深
悲也曹丕論文首推北海金帛募錄
比於楊班脂元升往哭文舉官以中
散不好賢知文十倍於操然令文舉
不死親見漢帝禪受當塗盜鼎亦必
舉族沉焚所恨者其死先操狐鼠晏

行攘袂之日天下遂無孔父仇牧耳
文舉天性樂善甄臨配食虎賁同坐
死不相負何況生存盛憲困於孫權
葆首急難禰衡謝該淪落下士抗章
推舉今讀其書表如鮑子復生禽息
不沒彼之大度豈止六國四公子乎

而道窮命盡不能庇九歲之男七歲
之女天道無親其言不信猶黨錮餘
烈哉陳畱路粹中郎弟子也呈身漢
賊奏殺賢者與馬融役於梁冀等耳
東漢詞章拘密獨少府詩文豪氣直
上孟子所謂浩然非耶琴堂衣冠客

滿酒盈予尚能想見之

婁東張溥題

漢王叔師集目錄

賦

機賦

荔支賦

楚辭序

楚辭章句序

離騷章句

九歌章句

天問章句

九章章句

遠遊章句

卜居章句

漁父章句

九辨章句

招魂章句

大招章句

惜誓章句

招隱士章句

七諫章句

哀時命章句

九懷章句

九歎章句

論

折武論

騷

九思

逢尤

怨上

疾世

憫上

遭厄

悼亂

傷時

哀歲

守志

詩

琴思楚歌

附錄

本傳

孔少府集目錄

表疏

高密卹證干懇

薦禰衡表

章書

崇國防疏

禁書

上書

高密縣立漢公卿

薦謝該上書

上漢帝書

甄

奏宜准古王畿制書

上三府所辟稱故吏事